

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

史部
第一一五冊



責任編輯：孫言誠 賀 偉

ISBN 7-5333-0535-3



9 787533 305352 >

ZB100/10

四庫全書存目叢書·史部一一五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一一五冊目次

史部·傳記類

兩浙名賢錄五十四卷外錄八卷(外錄卷八配鈔本)(三)

〔明〕徐象梅撰

北京大學圖書館藏明天啓徐氏光碧堂刻本

古今貞烈維風什四卷

〔明〕許有穀撰

天津圖書館藏明刻本

皇明忠義存褒什二卷

〔明〕許有穀撰

天一閣文物保管所藏明崇禎刻本

逸民史二十二卷

〔明〕陳繼儒輯

北京大學圖書館藏明萬曆刻本

東越文苑六卷

〔明〕陳鳴鶴撰

湖北省圖書館藏清鈔本

姑蘇名賢小紀二卷

〔明〕文震孟撰

無錫市圖書館藏明萬曆四十二年文氏竺塢刻本

兩浙名賢錄五十四卷外錄
八卷(外錄卷八配鈔本)

(三)

〔明〕徐象梅撰

北京大學圖書館藏明天啓徐氏光碧

堂刻本

附《四庫全書總目·兩浙名賢

錄五十四卷外錄八卷》提要

兩浙名賢外錄卷之四目次											
隋											
空室	法應	住力	道成	智越	法彥	真觀	慧壁	法智	唐	法敏	義褒
	慧實	大志	智晞	寂若	智瑛	慧因	道齊			法說	惠明
											甲宗
											慧忠
											智慧
唐											

文綱	道岸	文舉
玄儼	德秀	豐干
大光	神智	拾得
慧海	法海	道欽
智威 慧成	玄朗	如訥
慧明	子瑀	法明
乾峯	道光	船子和尚
守直	曇一	會通
齊翰 如隱	辯秀	圓澤
惟實	大義	文遠
明淨	齊一	神暄
靈默	法常	元慧
智藏	惟寬	允文
藏真	玄覽	澄觀
惲錫	惟則	
鑒宗 洪謹	道悟	
法相	三平和尚	
少康	天然	

卷之四

二

光碧堂

文舉	道遵	文遠
豐干	寒山	神暄
拾得	靈祐	元慧
道欽	圓修	允文
如訥	良价	澄觀
法明	湛然	
船子和尚	韜光	
會通	景欣	
圓澤	道幽	
文遠	惠符	
神暄	玄宗	
元慧	崇惠	
允文	慧開	
澄觀	一行	

卷之四

三

光碧堂

兩浙名賢外錄卷之四目大終

兩浙名賢外錄卷之四

東海徐象梅仲和氏謨

武林宋守一化卿氏閱

空空

隋共一十五人

法應

法應姓王氏會稽人弱冠出家事沙門崇學宗禪業崇公完業既深備家印可徒衆五百命委維持教授獎擢允開衆望開皇十二年勅令搜簡三學業長者海內

空空

卷之四

光緒堂

通化崇於禪府選得二十五人其中行解最高者應爲之長勅城內別置五衆各使一人教習領徒三百於寶塔寺相續傳業四事供養金出有司仍造經一藏躬親受持應素無所患忽云吾今將逝已有香花見迎言訖合掌端坐而逝世壽八十

慧實

慧實潁川許氏子也少出家志敦幽尚過嚴名山梁末遊步天台綜習禪業入房閉戶出即蕩門衣鉢隨身惟齋卧具絕迹人世者五十餘年貴尚頭陀恒居冥默自

少及終脇不親物雖形衰年積而清苦之志老而彌篤卒年九十有六

住力

住力錢塘人青年薙染卽任繕造之功宜導四部以檀波爲第一乃建休閣貯優曇王像深蒙勅慰隋室亂願焚身以留像閣火滅合掌默然閣幸無恙像亦旋歸四部人天無不欽住力之捨身衛法言者無不泣下虞承與世南爲之碑記

大志

卷之四

卷之四

二

光緒堂

大志會稽人幼事天台智者誦法華經索然閒靜音聲清轉聽者忘疲後於廬山甘露行頭陀行有時投身猛獸悉皆避去食粒若盡惟飲澗水續命而已如是七載禪誦不休會大業中屏除佛教慨大法凌遲遂身著孝衣於佛堂中慟哭三日誓捨形骸申明正教卽往東都上表曰願陛下興隆三寶貧道當然一臂於嵩岳用報國恩帝許之遂設大齋士衆通集志絕糧三日登大柳中布裹其臂灌之以蠟如炬然之光照岩岫晃然大明衆見苦行痛入心髓而志形色不變或誦經文或讚佛

德成爲衆說法聲聲不絕燒已下棚脚跌入定七日而後卒

道成

道成字明範姓陶氏丹陽人少而入道住永嘉崇玄寺事式法師爲弟子儀貌瓌美奇姿拔衆羣伍日曰神童具戒之後學超躋輩敷論毘曇業神便悟大同初開講京師意樹心花增輝且曜析理質疑聽者忘倦學士惠藏法祥等並遊方講說法輪常轉傳茲後談利益弘多卒年六十有八停龕旬日合掌端坐如生定日香氣勃空空外

卷之四

三

光碧堂

發結爲紫雲停如華蓋觀茲靈瑞者無不傾歎

智晞

智晞潁川陳氏子也童稚卽有出塵之志稍長從智者難落稟受禪決加修寂定如抹頭焚道力所持至感山靈捨木漁師斷篋一切含靈盡歸安養時有弟子道亘在房誦經忽覩一異僧身着納衣手持錫杖形神爽俊從外而來相去二十餘步纔入路東隱而不見俄聞東山聲鐘大音震谷晞云噫喚吾歸去也遂命香湯澡浴合掌而逝定念在智者輪前二百餘步

智越

智越臨海人受業智者大師嘗誦法華經瓶水自盈居露山精舍行法華三昧人天瞻仰大業十三年終國清寺茶毘舌根不毀色紅嫩如初蓮出水四衆歎異以爲誦經之驗

波若

波若未詳氏族高句驪人也陳世歸國在金陵聽講深解義味隋初游方學業遂入天台北面智者求授禪法智者曰汝於此有緣宜須幽栖以成妙行華頂是吾昔空空外

卷之四

四

光碧堂

日頭陀之所山祇威猛非大棄根性不能安止汝往彼學道當有弘益無須慮衣食之不給也波若承旨而往日禪樹下脅不親物影不出山者十有六年一日忽下到佛隴上寺淨人見三白衣人擔衣鉢以從忽然不見至於國清語諸同意云波若將歸故來作別言訖端坐而逝四衆送龕山所出寺大門迴鑾示別雙目忽然開明至山仍閉

法彥

法彥姓張氏清河人周朝滅法之年避難投陳遇智者

於金陵隨還至台服膺請業授以禪那自是不停房舍
每處山間林樹之下專修禪寂三十年中常坐不卧數
有山祇變形撓試晏坐怡然不干其慮或時入定七日
方起具向師說所證法相師曰如法所說是背捨觀中
第二觀也卒於國清寺世壽六十有三

智瑛

智瑛清河人爲智者禪師高足遺行法華懺悔第二七
月初夜懺訖還就禪床如欲安坐乃見九頭龍從地湧
出上昇虛空明且誥白智者云此是表九導衆生聞法
法華三昧至貞觀十二年示寂

真觀

真觀錢塘人字聖達生有青相出家通經律論尋謁天
台智者禪師受禪觀開皇十五年於重隱山石室頭陀
冥坐衆建南天竺寺請師居焉是爲開山始祖師有雅
操文帝三徵秦王兩延皆以疾辭大業中因山行自標
葬地未幾示寂

慧因

空外

卷之四

五

光緒堂

空外

卷之四

六

光緒堂

慧因姓干氏海鹽人晉太常寶之裔也十二出家事開
善慧熙法師稍長遍歷諸方恭求法要造長干辯法師
稟學三論窮實相之微言弘滿字之幽旨寫水一器青
更於藍嶺後歸靜山林便以學徒相委受業弟子五百
餘人鍾武傳燈將三十餘載遂感冥王遣迎說法時經
七夕若起深定謂經三月其意該幽顯行極感通有如
此隋仁壽三年起禪定寺因是法門龍象奉爲上座訓
肅禪學清穆僧倫事等威權同恩啓旦及唐運重興佛
日選十大德因當其一以身御法不令而行後進具戒
者無不稟其羯磨因定慧兩明空有兼照弘法四代常
顯一乘而莫競物情喜怒哀無色故遊其道者咸莫測其
位云以貞觀元年卒於大莊嚴寺世壽八十有九弟子
等爲建支提壩塔勒銘封樹文則蘭陵蕭鈞所製也

慧壁

慧壁姓弘氏嘉興人在胎孕時母聞腥即嘔及生而母
輩便不食其乳母如茹蔬食乳如常十七出家流水寺
稍壯周遊訪道無擇夷險四論三經咨詢實要學既明
達還止舊居四方負笈來請者常數十百人曉夕誨誘

樂說無倦。背不着席四十餘年。老無久力。時憑几。性海淵深。遊者莫測。第云不可思議大德而已。卒年七十。

道齊

道齊錢塘人。母夢擊日月而生。初入庠序。經籍淹通。及背定天竺。羣鹿馴擾。巨蟒驚獸。向之不動。講雜花經。雪地忽生雙蓮。山椒乏水。卓錫泉迸。四方緇素。無不皈依。以爲慈氏下生也。

法智

法智者。不詳何許人。髫年離俗。留心講肆。晚歲以逕直。

空外

卷之四

七

光碧堂

之門。莫如念佛。每謂人曰。我聞經言。犯一吉羅。歷一中劫。入於地獄。可信。又聞經說。一稱阿彌陀佛。減八十億劫生死重罪。則未之信。人難云何。故生大邪見。俱是佛言。急須念佛。久則三昧現前。乃於國清寺梵率臺上。晝夜精勤念佛。忽領彈道俗云。生西方去。令親識爲吾設齋。中夜無疾而逝。時有金色光明來迎。照數百里。江上船中。謂言天曉。遲久方明。始知智之往生云。

唐 共一百一十九人

法敏

法敏丹陽人。八歲出家。事英禪師爲弟子。入茅山。聽明法師三論。悟其宗旨。貞觀元年。出還丹陽。講華嚴涅槃。二年。越州田都督。追還一音寺。相續法輪。會稽士俗。請住靜林。講華嚴經。法音所動。緇素雲湧。正講之際。忽有蛇懸半身。在敏頂上。長七尺許。作黃金色。吐五色光。終滿方。應復還一音。夜有赤衣二人。禮敏曰。法師講四部大經。功德難量。須往他方教化。故從東方來迎。法座弟子數十人。同見此相。忽三日。夜無故晦冥。至期將逝。忽放大光。夜明如晝。因爾遷化。

空外

卷之四

八

光碧堂

法說

法說錢塘人。母夢吞珠而生。遺形理性。與山木爲羣。嘗登法座。講經有光如紅纓。漸大。連空散作百道金光。凡在法席之下。人天八部。無不洞於心目。所講之經。如頻迦鳥音。人耳者。悉生歡喜。四方學徒。聞之雲集。後示疾涅槃。異香經月不散。弟子爲清涼國師。

慧持

慧持姓周氏。汝南人。身長七尺。色相光偉。執持威儀。不妄迴盼。時人目爲象王。持歷探三論。洞深窮遠。兼善老

莊易史談玄之次寄言法理隋末避難越州住弘道寺
常講三論大品涅槃華嚴累年不絕閉影深山者將三
十載跏坐不卧苦鍊至終一日忽告弟子曰吾欲往他
方教化急作食及時至三下前食還房跏坐飲容而逝
弟子謂言人定至七日起忽聞異香方知坐脫即結
鏗然申而不解乃坐送大禹山玄素萬餘人悲歎相嗟
至於空所世壽六十有八

智凱

智凱姓馮氏丹陽人父早亡六歲聽吉藏法師講法華

空容

卷之四

九

光華堂

火宅品夜告母曰經明火宅者只我身耳若我是火宅
我應燒人既其不燒明知無我明日遂詣藏出家身相
黑色故號黑凱年十三隨藏會稽住嘉祥寺門人英達
無敢右之尋移餘姚小龍泉寺常講三論大品等經不
畜衣鉢不受供施自備而已佛殿之後忽生一池便曰
只飲此池可以終老貞觀十九年四方義學請出嘉祥
求講三論緣離龍泉小池即竭凱聞歎曰池竭食亡吾
無反矣講畢忽依常登座手執如意默然而逝坐送大
禹山七日供養時聞異

義褒

義褒姓薛氏晉陵人初從蕪州永定寺小明法師稟學
華嚴大品專經強對當時稱為僧傑時發心曠法師因
經三論江表推高褒詣座下敬竭義褒終思拔釋諸方
俊銳將事別輪囷乃勉爽行傳燈禮褒從之傳經述論
者餘三十年教迄五湖名馳三輔後住金華法幢寺弘
道不倦日坐忘食詔徵同三藏玄奘法師翻諸經論慈
恩開創宏旨有空雙遣藥病齊亡乃有負氣財衡者舉
褒為提紐解決責以三關徵研五句當時英彥預席者
莫不歎其疎拔之神奇伏其辯洽之鈎利也頃之駕往
東都別召追往命於淨土講解經論七衆載驅英聲逾
盛不久遽疾卒年僅五十有一勅葬金華舊寺賻贈之
榮光聞遠近

惠明

惠明姓王氏杭州人出家遊道迹無方所時越州敏法
師聚徒揚化遠近景赴明在法席二十五年眾侶千僧
解玄第一持衣大布炎凜不更時目為青布明為人超
勇果敢策勵無偶後至荊州四望山頭陀見二虎交鬬

空容

卷之四

十

光華堂

自往分解虎各耳而去形止影俱所去無懸即經所謂如鳥凌空者也龍朔初至京遊觀凡交言論者無不服其神解不久旋反云往曲江依閑修道竟莫測所終

禮宗

禮宗姓宋氏會稽人道氣遺壯志求之微願遂出塵決除鞅絆聞長壽和尚通達禪觀往叩其關學習之心未嘗少懈長壽歎曰汝之出塵有大利益可謂良士度尺雖有十仞之士不能掩其光矣乃奮然擣華汗涅槃經懷鉛握槧周於二載挫銳解紛怡然理順遂成夾注八

卷之四

十一

光碧堂

十卷卒年九十有七

印宗

印宗姓印氏異人從師出家精涅槃大部往勸春謁忍大師未契宗旨後於廣州法性寺講涅槃經遇六祖大師言下薦機始悟玄理遂以能為傳法師嘗採自梁至唐諸方達者之言著為心要集又纂百家諸儒士三教文意表明佛法者重結集之手筆逾高著述流布至先天二年二月於會稽妙喜寺示終囑僧輪王法葬之世壽八十有七

玄覺 玄策附

玄覺字明道永嘉人姓戴氏精天台止觀圓妙法門嘗與東陽玄策同詣曹溪初到振錫携瓶遶祖三匝卓然而立祖曰夫沙門者具三千威儀八萬細行大德自何方而來生大我慢覺曰生死事大無常迅速祖曰何不體取無生了無速乎覺曰體即無生了本無速祖曰如是如是於時大衆無不愕然覺方具威儀參禮須臾告辭祖曰返太速乎覺曰本自非動豈有速耶祖曰誰知非動曰仁者自生分別祖曰汝甚得無生之意曰無生

卷之四

十一

光碧堂

有意耶祖曰無意誰當分別曰分別亦非意祖曰善哉善哉少留一宿時謂一宿覺既回故處學者輻輳號真覺大師著證道歌一首及禪宗悟修圖首自淺之深慶州刺史魏靖緝而序之成十篇目為永嘉集盛行於世先天二年示寂勸諭無相大師塔曰淨光玄策金華人嘗游方居於河朔有僧智隱者曾謁黃梅庵居自定自謂正受策知隱所得未真往問曰汝坐於此作甚麼隱曰入定策曰汝言入定有心耶無心耶若有心者一切蠢動之類皆應得定若無心者一切草木之流亦令

得定曰我正入定時則不見有有無之心策曰既不見有有無之心卽是常定何有出入若有出入則非大定聖無語良久問師嗣誰策曰我師曾漢六祖曰六祖以何爲禪定策曰我師云妙湛圓寂體用如如五陰本空六塵非有不出不入不定不亂禪性無住離住禪寂禪性無生離生禪想心如虛空亦無虛空之量聖始開悟策後却歸金華大開法席

慧忠

慧忠諸暨人姓冉氏自得心印居南陽白崖影不出山

客空

卷之四

三

光緒堂

者四十餘年肅宗重其道行召居西禪院事以師禮及代宗臨御復迎止光宅精藍十有六載隨機說法時有西天大耳三藏到京云得他心慧眼帝勅令與國師試驗三藏纔見師便禮拜師問曰汝言得他言通耶卽令汝道老僧在什麼處三藏曰和尚是一國之師何爲却去西川看競渡師再問汝道老僧卽今在什麼處曰和尚是一國之師何得却在天津橋上看弄獼猴師第三問還如前語三藏良久罔知去處師叱曰這野狐精他心通在什麼處三藏無對一日喚侍者侍者應諾如是

者三師曰將謂吾辜負汝却是汝辜負吾有僧問若爲得成佛去師曰佛與衆生一時放却當處解脫問作麼生得相應去師云善惡不思自見佛性問若爲得證法身師曰越巖廬之境界曰清淨法身作麼生得師曰不着佛求再問那個是佛曰卽心是佛曰心有煩惱否師曰煩惱性自離曰豈不斷耶師曰斷煩惱者卽名二乘煩惱不生名大涅槃又曰吾今答汝窮劫不盡言多去道遠矣所以道說法有所得斯則野干鳴說法無所得是名師子吼大曆中右脅長往遷靈於黨子谷建塔賜諡大證禪師

客空

卷之四

十四

光緒堂

神邕

神邕字道恭姓蔡氏諸暨人聰悟過人年十二出家法華寺每覽孔釋二典一過能誦從玄叡師通四分律鈔又從左溪習天台止觀法華玄疏梵網諸經秘捷義啓觀性知空至於歷夏遂司南學者乃振錫西遊止於長安公卿藉其風華追慕者結轍而至一聞玄著無不被讚著作章子春高氣而瞻學與之酬抗子春折角滿座驚服中書舍人蕭咸歎曰此闍黎可謂塵外摩尼論中

師子時人以爲知言先是中岳道士吳筠造論數篇斥毀釋教昏蒙惑之邑乃襲世尊之攝邪見復寶琳之破魔文爰據城壁以正制狂旗鼓纔臨吳筠覆轍遂著破倒翻迷論三卷東南佛法再興邑之力也貞元間示疾而滅報齡七十有九僧夏五十

智慧

智慧越人形貌短小神觀甚雋初依徑山國一禪師受具後忝大寂發明心地因爲大寂送書與忠國師國師問曰馬大師何以示衆對曰卽心卽佛國師曰此外更

客客

卷之四

主

光聖堂

有何言對曰非心非佛或曰不是心不是佛不是物國師曰猶較些子慧曰馬大師卽恁麼未審和尚如何國師曰三點如流水一曲似禾鎌慧後隱居伏牛山一日謂衆曰卽心卽物是無病求病何非心非物是藥病對治何僧問曰如何是脫洒句慧曰伏牛山下古今傳又嘗自吟云宇內爲閑客人中作野僧任從他笑我有處自騰騰

文綱

文綱姓孔氏會稽人十二出家冠年受具恭有彝檢口

無溢言尋詣京兆道成律師稟見尼藏每公壇講律疑若斷山或風雨宴居或晝夜獨行故能吉祥在手不捨其瓶威德迎風不絕於氣八方來學讚歎者舉袂雲臨發聲雷駭是以一時法主四朝帝師同迦葉之入城遇匠王之說戒竹園林外別有沙彌單樹枝間廣聞鷄鳥所以受潤者博入見者深萬病已痊獲歡喜之藥一心不染解煩惱之繩景龍二載中宗延入內道場於乾陵官爲內尼受戒先天初睿宗又於別殿請爲菩薩戒師堯率天上親聽法言王舍城中普聞淨戒賜絹三千餘

客客

卷之四

主

光聖堂

道岸

道岸姓唐氏潁川人少業儒有才名忽弃去落髮受具洗心訪道堅修律儀深入禪慧夜夢迦葉來爲導師朝閱真經宛契冥牒由是聲名籍甚推爲經行領袖後居會稽龍興寺楊越江淮縉素雲赴窺天挹海無不虛往實歸時號爲大和尚孝和皇帝召入內庭請爲菩薩戒師親率六宮圍繞供養仍圖圖於林光官御製圖讚曰

戒珠皎潔慧流清淨身局五篇心融八定學綜真典觀
通實性維持法務綱統僧政律藏其今傳芳象教因乎
光盛當時以麟閣丹青未嘗有讚岸之遭遇滄龍過之
尋辭還會稽以開元五年減度於本山初岸本文綱律
師高足也以江表多行十誦律罔知四分岸請帝墨勅
執行南山律宗者岸之力也

玄儼

玄儼姓徐氏諸暨人少出家隸懸溜寺弱冠從光州岸
師受具後遊方徧參諸宿俱蒙印可出是道尊戒潔名

寒空

卷之四

十七

光碧堂

動京師安國授記並克大德尋還江左徧行四分因著
輔篇記十卷羯磨述章三篇初光州岸公嘗夢神僧謂
曰玄儼當爲法器云何教以小乘後乃命宣般若由是
研精覃思採摭舊學撰金剛義疏七卷多古德之所未
詳而獨發揮光明如指諸掌後住越州法華寺四方悉
叩者數若稻麻筭同竹葦宴坐不出幾三十年開元二
十四年帝親注金剛般若經詔頒天下普令宣講都督
河南元行冲請儼重光聖日遂令盲者見日月之光聾
者聞雷霆之響儼演暢之力居多道俗受法者殆出萬

人人境什持舉無與比義學宗之俱頂禮爲人天眼目
以天寶元年化盡而逝窆於寺南泰山之下高樹雙塔
光明踰於白雲列植千松秀色羅於明月

德秀

德秀姓孫氏富陽人少棲梵宇正護浮囊匪定常師留
心律府嘗哀鬼神乏食每於中夜施其淨飯漸洎飛走
之倫亦餐法食秀武林下經行輒飛鳴環遶後終於定
山頗多靈異則天寶初載也遷神入塔天降舍利七顆
門人以瓶盛之瘞於塔下或發之見舍利上生舍利紛
紛而墜煥然五色後人還累甃以爲浮屠鄉人云恒有
白蛇蟠屈守護樵牧之童無敢近者

大光

大光姓唐氏安吉人持法華經其聲通於有頂肅宗召
見拱立而歎曰昔夢異僧口持大乘五光隨發音容宛
若甚慰朕心因賜名大光勅住千福寺清夜誦經遶遶
通於聖聰帝聞而異之以爲希有使中涓視之見白光
滿室朗然若晝梵音方作光起面門如開毫相經聲向
息光亦隨歛尋歸吳興示寂於法華寺光一飯七十載

寒空

卷之四

十八

光碧堂

一納四十年歲無浣濯而戒香鬱然吳興刺史李紳撰
銘題云墨詔持經大德神異之碑

神智

神智義烏人姓力氏黃帝力牧之後少出家雲門寺年
十二一食斷中持大悲心咒應法登戒峻勵恪勤遊方
至於暨陽見其山水明秀歎曰當廷之魚潛於茂澤此
地亦吾之藪澤也遂結茆以居恒咒水盪以救百疾飲
之者立差士民敬仰日給無算皆號之曰大悲和尚

慧海

空空

卷之四

九

先聖堂

慧海越人初依大雲寺道智受業往叅馬祖祖問曰從
何處來曰大雲寺來祖曰來此擬何事曰求佛法祖曰
自家寶藏不顧拋棄散走我這裡一物也無求其佛法
海遂禮拜問曰那箇是慧海自家寶藏祖曰即今問者
是汝寶藏一切具足何假向外馳求海於言下大悟明
日馬祖告衆曰越有大珠圓明光透無遮障處海遂作
禮承事六年後以受業師老歸越奉養乃廢跡詣光外
示癡訥一日有法師來謁曰擬伸一問師還對否海曰
深潭月影任意撮摩曰如何是佛海曰清潭對面非佛

而誰又僧問和尚如何用功海曰飢來喫飯困來打眠
曰一切人總如是用功否海曰不同曰爲甚不同海曰
他喫時不肯喫百種須索睡時不肯睡千般較量所以
不同僧杜口無語海時聞居補衲忽僧謂曰將敗壞補
敗壞海曰何不道即敗壞非敗壞其僧作禮而去

法海

法海字文允姓張氏吳興人少出家鶴林寺自駒匪食
其場苗金翅俄翔於海面曲從師教周覽羣經大誓納
川鄧林蒙羽是以圓入一性學階空王擅當代獨悟之

空空

卷之四

三

先聖堂

名剖先賢不決之義一時外學六籍皆通嘗謂人曰佛
法一門極唯心地餘皆推輪也天寶中與揚州法慎律
師講肆同雲一靈一等推爲游夏黑白二徒多從求益
云

智威 慧威附

智威縉雲人姓蔣氏穎脫塵蒙心遊物表開天台宗教
遂從淮頂禪師咨請心要既而得一融道體二居宗定
慧方均寂照相半雖云自了急在利他天與多能富有
辯藻嘗著桃岩寺碑與頭陀寺碑氣度相長或云威是

徐陵後身也。後以法眼付門人慧威。慧威姓留氏。東陽人。總角之年。露其舊習。決開愛網。徑入空門。不滯一方。仍於三益。聞經雲。盛行禪法。裹足造焉。刻志忘勞。觀威猶與一日千里。罔不推稱。至有成業時。謂小威。

玄朗

玄朗姓傅氏。烏傷人。梁大士翁之六代孫也。九歲讀經。日過七紙。從天台慧威法師習止觀。禪門凡一宗之教。無不研其精義。復以觀音悲智爲事行良津。乃遊心十乘。諦冥三觀。獨居一室。三十餘秋。時有盲狗來伏朗前。

本客外

卷之四

三

光碧室

長嘯宛轉。似有所祈。朗惻然憫之。焚香禮佛。爲狗懺悔。七日而盲狗豁然。天寶初。示寂而終。報齡八十有二。僧夏六十有一。朗細心修行。以身徇律。一變多羅。四十餘年。一尼師壇。終身不易。食無重味。居必偏厦。非因禮佛。未嘗輕出禪關一步。凡稟其戒律者。無不精嚴。自持第其傳法。是爲五祖。天下皆號之曰左溪。

慧明

慧明姓陳氏。蘭陵人。初習律藏。嘗語人曰。昔者繁刑。首作伯成子適焉。吾雖不捨律儀。而惡乎評論紛紛若心。

印心之法。至矣哉。乃西詣方巖。頓開心地。止於魚陂道場。有大戲來擾。如樵家。俄時薦飢。羣盜欲至。必號呼先告。往往有徵。尋移止佛川。泉側有吳王古祠。明爲神說。戒遂斷血。神復捨祠爲寺。肇基於祠下。獲一銅盆。下有篆文。慧明二字。建中初。示滅。其日庭水春。桑山雨。晝冥。猛虎繞垣悲嘯而去。

子瑀

子瑀字真瑛。姓沈氏。德清人。總角出家。壞衣削髮。煤炭世事。於洛京大福先寺受具。於是佩菩薩印。燭如來燈。

本客外

卷之四

三

光碧室

證聖中。歸於大雲道場。堅持律柄。常禮一萬五千佛名。兼慈悲懺。日夜一匝。忽夜有聖僧九人。降於禮懺之所。相與行道。彈指而去。或夜無燈燭。心口自念。圓光照室。如坐月中。天寶十一年秋。禪坐而化。明年啓龕。茶毘容色不變如生。雖少林。孕髮何。以過是。當時聞見者。莫不歎其希有也。

乾峯

乾峯。越州人。嘗與雲門相難。箭鋒機對。索弓而笑。有僧問。涅槃門路。以柱杖畫地曰在此。